

原件短缺

再弔蘭師

露艸埋何促香臺坐未淡生前標靜業
後後見禪心苦竹驚風冽幽花宿雨淋
法航誰再問空向白雲沈

菊花

桂翠方歛灑藜菊更怡神金蕊人間異
幽香客舍親餐英芳玉年醉影惑佳賓
攜手清秋夜相看月半輪

美人

綠窗一片玉獨理陽春曲粧罷坐薰香
歌殘影搖燭紅脂桃臉勻綠綺柳腰束
默默翠蛾顰芳意自斷續

春日鏡亭會諸姑嫂觀桃柳

新粧巫峽雲瀟洒步芳芬曲檻魚翔
迴橋竹瀉紋鴛

鴛凌寶髻翡翠曳湘裙不惜今宵醉

教負此君

雜聲

殘焰寒更盡疎鐘客夢新
吶聲回曉日戛羽起行人故
國桑麻遠他鄉風雨親
年華愁日暮雀換幾千旬

坐茉莉建蘭中

莉香冽且媚蘭臭遠而清
斜月臨窗秀微風入戶榮
羞日影澤艷不比冶情輕
靜室憐芳影依稀見友生

寄何夫人

煙樹正參差河梁握手時
遙憐吳地月偏照漢江涯
綽約人如在風塵骨已疲
王孫歸有日芳艸憶佳期

美人梳頭

淡院小桃藜紗窗春色籠
鳳釵橫上下鸞鏡舞雌雄
秋水凝波綠湘雲剪袖紅
錦屏嬌欲倚不語向東風

寄嬾母

園林星聚日歡意露華初
別後鶯聲老秋來雁字疎
獨蕩千里月空慰萬金書
異地江風冷蕭蕭到玉除

秋日心遠樓野望

鳳山連北郭皖水遶東川
翠積曉峰露紅飄落葉泉
茅檐依日遠松火突雲烟
恍惚夕陽迫懸情待月圓

秋日竹浪亭會諸姊妹觀魚

可負千秋賞桃花上曆醺
月流裙瀉練香裊袖生雲
魚鳥會心遠琴樽佐客忻
嫦娥依几席那忍卽離羣

又

秋水咽鳴琴悠然淡客心好懷臨水盡芳意向杯成丹
桂天香落寒蟬雲影侵鐘殘朝露冷談笑月華沈

落葉

濃煙半夜黃香夢妬風狂流翠依臺舞飛紅逐水颺故
園蕭索共旅思寂寥長霜月欺人老飄飄何處忙

聽鶴軒觀梅

枝頭弄早春嬌意獨相親皎潔騎寒玉孤芳冷雪鱗香
魂頻入夢瘦影不沾塵荏苒流光老紅妝上額顰

贈盛五夫人

憐芳勞借問蘭味意何長彷彿人如玉徘徊月似霜通

家吾不淺令德爾能香何分連牀語盈盈一水方

殘花

可惜開時晚枝頭幾日鮮愁紅千朶艷怨綠半時煙滿
地胭脂冷沿堦銀粉連香魂漸已遠一步一心憐

寄錢夫人

一別三春渺徘徊起客愁皖江明月夢襄水白雲秋蘭
葉香侵室瓊花錦作舟片鱗天外至蕞鵲亂枝頭

方嫂求詩扇

閨中自上流芳意襲人幽扇愧題紈好詩慚咏雪優遙
瞻雲樹影相望月華樓何事他鄉客重逢落葉秋

柳

弱植驚風脆金縷拂檻垂樓前飛雪絮鏡裏學蛾眉花
暗鶯聲巧窗虛日影移柔絲淒夜雨喚夢弄愁枝

落梧葉

立夏纔生蕊秋風一夜傷樓頭憐綠萼井畔惜黃裳月
竿沉眉冷石欄點筆狂相思滿葉媚錦字妬鴛鴦

聞外赴任不過家有感

小艸官何遽生離恨有餘愁看燈下影泣對錦中書葉
落驚朱箔花開妬玉除男兒重意氣不肯暫回車

至雲夢縣冒雨回驛

出城風割面急雨若翻盆立馬看流電行人欲斷魂油
衣誰似瓦茅屋秃如髡野水平前巷郵亭返去轅

途中寄外

半歲限鳴凰千秋未是長相將餐霧露獨自歷風霜涉
水愁波浪登鬼意渺茫相思同鏡影隨月到襄陽

家令員老至報生子志喜

雲間來鶴叟客緒此時安弱女蠅箋滿老親雁字寒喜
添池上鳳頓入病中餐三世傳家令因懷逝舅酸

除夕

迢遞家山遠閒愁寄酒卮雪殘孤燭夜歲盡旅情時日
覺親朋濶春回兒女知挑燈整青髻忽忽一年期

香奩四詠

博爐

銀囊共月圓沈水麝香妍烟結雙雲合霞蒸一氣宣如
灰寧妾意因熱似君憐時映花梨几安心對夜禪

竹几

嫋嫋碎雲裝裁成壁几芳焚香憐月靜引睡醉春陽身
外無長物凭時得小康洞房清似水幽况爾相將

桐箋

漸損庭除陰飄殘粉砌淡憐芳堪點筆吹字恰諧心寥
落秋風老蕭疎夜月沈蘭閨金井上片片入呻吟

錦瑟

朦朧烟柳妍破鏡懸青天艷艷機上色飛飛峽底泉花
殘厭漏雨香燼惱啼鵲暗解同心意春風十二絃

鹿門舟歸夜泊老龍灣遇雪因臨別贈同心杯

有感

新春能幾日重進別離觥座上一尊滿東方千騎鳴綺
窗孤燭短錦字暗啼盈忍見鴛鴦鳥雙雙比翼行

又

孤舟荒岬泊獨坐數寒更雪絮迴風舞河流激浪驚
吟寬恨淺鼓吹助愁生縱有同心贈難消此夜情

舟中作

雪盡春初曉山青艸色芳竹籬橫嫩柳漁笠卧滄浪短
笛迎風度飛帆帶雨狂白雲看漸近尚自滯殊鄉

家居卽事

清風恰細談短髻已知慙卧閣人閒影趨庭女作男筆
花浮素紙鏡面淡華簪怯病愁偏迫粧成七不堪

擬春淡詩

何處春淡好寥天洞外峰白雲奔似馬明月放如弓碧
水環蕨竹幽崖立怪松茅亭經一卷鐘度暝烟中

又

何處春淡好清源鳴鳳樓人從一水至帆遶萬家愁鼓
瑟占齊俗徵歌問越謳采桑多女伴君子好相逋

又

何處春淡好扁舟泊漢陽岼看窈窕波上數鴛鴦樓
外花鋪錦洲前桺作簧去來桃李瓣隨風入簾香

初度

蹉跎四十春復值四愁新一病支離態百朝風雨身世
情無久煖客舍仗誰親故國音全斷歡悲莫問人

寄潛夫弟因歸林下失偶復失寵感懷

十年聲籍籍一日走麒麟去國輕千里還家惜隻身魂
銷獨夜月夢攬九泉人芳艸王孫路言歸已漬巾

又

悠悠鄭谷春三十七年身忍見重埋玉那堪散寄麟長
安愁日遠孤榻獨燈親三逕初除掃柴門月色新

又

兀坐攤書籍山中靜掩扉彈琴移夕炤作賦盡秋輝豹

隱何年賁珠潛當世希疎籬黃菊伴日暮醉忘歸

宦况

朦朧瓦上霜役役倒衣裳殘夢催人早閒花笑客忙文
窮天際想墨洗水痕香燭滅更聲盡緇塵愧飽嘗

柏蓋

翠積坐中森亭亭惜寸陰長憐遮月色不負亞霜心結
子其香夏留香閱古今西陵同落日生死見交淡

懷孀妹

憶惜春淡日清芬閣聚羣連枝誇咏絮携手看停雲卮
酒寒花艷離亭落葉紛誰憐孤影瘦殘燄冷秋雯

紉蘭閣詩集卷之八

皖桐

夫人方孟式如耀著

弟方孔炤較閱

妹未亾人方維儀選

孫祁度重輯

五言律

事事齋至日梅開

千里獨爲客花開長自看繁枝侵繡幄老幹壓雕欄默
坐生圖画臨粧舞鏡鸞暇時傳剪綵何必製齊紈

又

但見看花日何須怨別離瑤林粧額艷曲水弄珠疑驛
閣堪爲友山家半在蹊新春不及待楊柳亂瓊枝

又

開時何太早不愛艷陽天皎潔能多日銷魂又一年空
山迷月色流水亂飛泉茅舍風光靜吾將老倍憐

待月

遲月淡籠煙期人較可憐荷風疎雨後螢火亂星前烏
鵲生殘影梧桐隱半絃因之默坐久花上色娟娟

春日富沙雜咏

冰暑清無事東風暫一過梅橫天半額柳動鏡中蛾曲
竇鋪苔蘚幽亭長薜蘿傷人呢海燕春意已蹉跎

又

飽作長征客官廉笑飲泉瑤琴空引鶴艸具未嘗鱸燕
麥紛簾秀榆錢散砌妍銀鈎閒屋角憐我月娟娟

又

弱女千峰外孤幃春又分燈花空爛熳燕語太殷勤池
水涵初月香煙結暮雲相思憐隻影傳淚到河汾

又

柳絲垂地綠風雨故瀟瀟病久醫心緩愁淡鳥語迢宦
賚五斗粟歸夢一山瓢兀坐他鄉外琴書伴寂寥

燈前雁

光寒餘錦燄嘹唳碧空音涼露溥霜信殘星逐暮砧屏
間流客影枕上喚鄉心欲剪湘紋細拈針淚不禁

霜中月

寒空天駟逼窗外海蟾親素魄穿簾靜繁枝勻色新光

鮮花弄玉風細水生鱗久坐看移影栖鳥對遠人

病中思歸

嵐氣爐烟合疎燈素影疑愁生零雨夜病值落花期夢裏鄉音近天邊雁字遲牀頭閒月色心事薄光知

松濤

夢裏打流鶯窗前弄態輕雨淡疑瀑落風至似潮生枝偃鶴無影天清蟾乍盈漏沈聲漸息龍女細吹笙

缸中小山

月明難取影客至半浮烟艸樹依峰活山容入座妍片雲疑積雪杯水肖平泉隙處游魚戲依稀一洞天

盆中小桃

作勢剛盈尺天姿妬錦鴛春淡從結子秋老此蟠根立露如迎笑臨風自寡言晴嬌紛綽約逐處斷人魂

寄女

瘦影怯風寒炎天冷素紈倚窗千葉動伏枕半篇殘蛩泣藥爐沸絃鳴絲雨彈良宵耿不寐辛苦倩誰看

署中對月

泠泠秋夜迢虛度可憐宵微暈生風雨幽光入寂寥蛾新柳葉媚面淡芙蓉嬌千里流歸夢多情逗六橋

雪後

綺閣流霞迫蘭帷夕炤間佳人堪比色皓魄與爭閒芳艸生新意寒光入舊山幽香闈客醉兒女夢中還

述懷

懶問粧臺事 栖栖何所求
支離淹日月 參朮度春秋
靜蛛絲繞花 閒蝶粉流鄉
關勞寤寐兒女到心頭

舟雨

水天疑一色 野漲隔林溶
蘭棹排驚浪 漁簑釣晚鐘
刀環流隻影 木葉淡秋容
雲掩荒村小山頭 潑墨濃

豫章有感

病起春將暮 愁懷取次新
落花閒滿砌 飛絮亂叢茵
故國驚亾女 他鄉慰老親
燈前憐隻影 窗外雨聲頻

舟次聞賊至桐郊

攘攘臨關道 黃巾風雨來
烽明郊外火 戈接閣前梅
羣

吹連天震奔呼 動地哀傷心
江上水日夕故相催

有感

冉冉春光暮 悠悠旅思淡
花光臨鏡舞 樹影向窗侵
苔蘚芳偏合 雲霞色欲沉
海棠枝上月相對坐清陰

思親

日送春光老 淹留歲再華
羈魂千里外 歸夢白雲奢
淚盡滋芳艸 心丹逼落霞
洪州盈一水 無計泛僊槎

報賊退

暫喜賊烽遠 興哀何足言
空山埋死骨 夜月泣游魂
城塹知能守 亭臺幸獨存
倘能歸故國 飲啄亦皇恩

寄妹

江國成輕別花開兩見新桃陰依逕遠桺絮入簾親南
浦逢寒雨金陵值暮春淹留吾妹在何日靜風塵

寄欠女

愁緒向誰開江寒雁未來夢隨殘漏盡心逐落花迴二
水分清露孤堦長綠苔坐看梁少語雛燕幾徘徊

延立台叔爲克仔兒師豫章署中寄孀母

乳燕巢寒暑相思飲恨餘江清三月激床積五車書歸
夢愁難得鄉情音漸疎從知臣似水佳客食無魚

示和鳳小女

中秋新得汝桂落濟南花笑學解人語歡知鳴樹鴉慈
心依繡幙衰髻滯天涯處處烟塵起羈栖何地嘉

清明示克倬兒

異鄉熟食日禁火意何長覓句吾將老讀書汝自香眼
前神雀頌秋後子衿裝萬事同流水悲歡滯一方

春日示克仔兒

庭前花向陽盡日不垂堂階下千枝秀雲間雙翼翔遙
思松菊逕堪灑葛巾裳俊逸真男子成名可遜芳

午日示克爾兒

令節逢端午投絲續命長此時玉樹曲他日綠衣郎裙
染榴花血杯淡蒲葉香紛紛繞膝舞何異奪標忙

遣興四首

干戈猶未息客子竟何之拭淚無窮思攤書更覺癡雲

箋長不到骨肉渺難期衰髯那能久清光相笑誰

又

庭槐生月魄典却梅花額盤進鱸魚餐門迎珠履客清
非擊搏才德有濟時策三尺如霜刃頻看炤夜白

又

曾言天用龍重話地間馬老知千里遙渡江一化者壁
中晴成飛鱗變風斯下但願身為雲須臾月偃瓦

又

前年別故鄉音信兩茫茫春雨悽花落秋風憶雁行瓊
窗暗雲樹彩筆績鴛鴦寂寞頻添繡緣愁似線長

散愁二首

秋色滿庭柯王師暫息戈邾城聞卸甲秦地奏饒歌入
望烽烟靜傷心白骨多盛唐山色好歸路莫蹉跎

又

秋風一夕至梧葉落庭中烏鵲今朝喜關河幾處同浮
雲遙漢合老樹暮烟空人世逢多難淒其歎轉蓬

秋興四首

蕭蕭木葉秋惆悵獨登樓荏苒音書斷中原鼓角愁魚
遊盆沼樂鳥過畫簷啾世事渾無著蒼茫望故丘

又

雁影下朱樓砧聲急暮愁一身真似葉雙鬢又逢秋遠
水兼天淨層山捲霧稠魂銷回首地不覺淚凝眸

又
西風傷往事笑此客中身葉落蒼烟斷花開黃菊新天
涯蓬鬢短邊徼羽書頻蟋蟀知秋意階前鳴向人

又
寒空孤月輪皎皎挂秋旻自笑山東客誰憐江北人寇
氛猶未息魍虐更堪輦籌畫勞明主安危在使君

感懷三首

簾外又花新頻逢異地春捲簾惟見月搔首倍思親丘
隴全堆骨樓臺半作塵強吟懷謝韞已作白頭人

又

甲子旬將近羈栖多所思懷親形若木作客鬢如絲春

月遙憐夜鄉書到幾時愁心不可極寂寂淚盈禕

又

喪亂悲吾土流移人未還衣冠竄荒野鼙鼓凋朱顏珠
淚滴千古寸心越萬山繁華零落盡愁緒不能刪

漫興三首

客愁酣未晚桃柳映窗紗故國連烽火他鄉怨落花空
村餘敗屋衰艸斷春車極目遙天際春光空自賒

又

無事倚闌干鶯花帶眼看烽烟何日靜租稅幾時寬林
外月光白庭前春事闌移家添寂寞病骨飽艱難

又

書到未爲歡開緘不忍看疎林栖鳥盡古道夕陽殘骨
肉分南北餐眠憶飽安浮雲如世態不用腎腸肝

濟南夏至聞蟬

樹密蟬鳴早衡輕夏令新一聲驚曉夢四野若秋旻凄
切能聯響高洁善潔身客心愁異地何苦更催人

聞潜夫弟起官

聖主思簪履恩綸下紫微寇氛隨地有國事借君揮清
夜消香篆殘更夢蝶飛經年成契濶淚洒別時衣

哭甥女

有引

余外甥長女全德年甫六齡聰穎宛如成人
誦詩朗朗弱病殤逝寄囑委至富沙重九後

三日得報痛悼不已余與吳伯姑俱以甥緣
締好適天不祿生芻親奠情文哀切感悼十
首

憐吾雙髻短愛汝及三春俊逸過男子婆娑慰老人拈
針分線巧剪紙繪花新一旦秋風瘁悠悠恨不平

又

漏殘偏入夢落月画梁遲地下三秋隔風前幾日悲荒
郊依弟妹宿艸走狐狸腸斷夕陽沒瀟瀟零雨期

又

千山聞汝病殘魄竟何之竹馬閒堦畔風鳶靜樹枝最
傷今死日翻憶昔生時厄我天難問愁心逐月馳

又

來雁語諄諄雲烟憶老親
槿花不待夕參朮幾回春
磧面池中月遺簪画裏身
離亭紛落葉千里共秋旻

又

寄去衣猶在含情怨莫宣
吟詩依母側學拜向人前
流水消春骨淡山識翠鈿
蘭帷悽弱息添我淚如泉

又

竟追蟾魄去猶憶武夸雲
桂落中秋老魂招寒露曛
疾呼燈下錯移影暗中
分一片癯癯骨那堪著弔文

又

嵐氣入闌干黃華秀色殘
月窺青帳寂雨泣碧紗寒
覓

果憐分妹尋花笑整冠
相思鶴弄影疑是返魂看

又

負却予初志何緣瀉素心
濃霜凋苻菜殘月冷松林
瓜瓞驚分鳳桃夭怨斷琴
繞腸一滴意泉下可知音

又

弱魄渺無涯愁腸亂似麻
知音怨楊柳解語想桃花
粉褪浮雲盡脂殘落日斜
匆匆悽入粵泉淚擁香車

又

歎惜歸來日華筵月色新
慘傷佳壻近悲咽阿誰親
調裏憐雙鳳樽前少一人
空餘花鳥恨萬累集微身

哭克儀侄

忽報排雲去徒傷千里情
蘭幃孤月影庭樹一雛鳴賦
尚憐鸚鵡山疑望鳳笙異鄉腸斷處不禁淚珠盈

又

寄世歸何早三春暝色輝
愁雲迷翠岫冷月弔朱扉坐
惜隙駒促誰看裘馬肥
病中驚覓句窗外雨霏霏

初蘭閣詩集卷之九

皖桐

夫人方孟式如耀著 弟方孔炤較閱
妹未亾人方維儀選 孫初度重輯

七言律

清明

寒食蕭疎風雨稠
幾多飛絮惹春愁
朱樓踟躕憐游女
綠樹朦朧冷画舟
新火醒來難釋恨
殘花醉裏漫忘憂
桐開燕至看時序
幾許興亾笑海鷗

靜坐

黃庭一卷一爐香
默翫行雲意渺茫
月到窗前鶴弄影
風來簾下絮沾裳
鳥啼高樹閒絃管
蝶逐飛花落画堂

了得念頭清靜處，栖幽何必覓禪房。

柳絮

似雪紛飛傍曉曛，悠揚無定繞晴空。
黏花片片隨流水，戲蝶絲絲點砌叢。
態軟西窗驕綠綺，情狂南陌逐青驄。
飄颻不禁東風怨，作陣回春烟霧中。

牡丹

東風勸酒碧窗春，上苑曾經玉露新。
細噴清香豐似頰，橫流冷艷皎如神。
千層綠葉長扶汝，幾度紅綃解醉人。
寄語青雲天外客，明年重會武陵津。

聽子規

三春烟暖五更嗟，化魄鳴聲盡海涯。
舊恨綿綿悲蜀水，

新啼故故怨江花。
愁翻竹翠迷霜日，血染枝紅滴月華。
讓國誰教輕籠令，眾英催落路爲家。

燈

晚鐘敲落夕陽時，嘗借餘光釋古詩。
綺席噴烟千朶艷，錦屏流影一雙隨。
霜天寒火依人切，客舍疎檣共爾宜。
漏盡香消殘夢冷，人間佳信若爲期。

清譚

清晝連牀笑語新，徘徊佳節眷芳春。
一聲鶯轉桃花岬，半幅裙拖洛水濱。
銀燭小窗忘夜雨，玉階叢錦惜朝茵。
歡娛不覺霞流綺，暗裏韶光又一旬。

清齋

甘脆肥濃食指飮腐腸之藥味餘酣池邊雪藕佳人臂
林下香蘋童子髮自剪青蔬朝饌熟閒烘紫筍夜殮貪
斷烟廢玉醍醐飲齒漱清泉月上簪

贈外二首兼和韻

買得阿嬌一捻花移來金屋伴黃麻見憐自我心先許
相敬如賓樂亦賒窗映霞姿偏帶媚案將玉指不禁斜
郎君勝事凌千古尚爾風流嘲妾家

又

錦堂春燕萃瓊花退食歸來笑績麻搖步漫分釵色重
画眉爭羨綵毫賒薰風近引羅帷動籠月遙瞻裙帶斜
今夜酒闌何處去香魂夢入楚王家

初冬

殘菊草萎秋老夜寒侵翠幔鬱金香丹楓紫栢七襄織
綠橘黃橙二月花石上題留蕉葉碎堦前吟咏竹枝斜
疎簾浙瀝吹人老細雨霏霏透碧紗

納涼

爍火流金憇竹陰花繁雪洞楚雲淡闌干香簟留清夢
臺沼芳荷瀉素心布局消閒寬客思拈書引倦緩蟬吟
茶瓜佐酒涼生案坐聽枝頭黃鳥音

採蓮

明霞乍起日初紅白舫青簾來往風舞袖袵粧香陣裡
緩歌柔櫓錦叢中花迎笑靨鴛鴦避葉剪輕羅烟水濛

乘興隨風蘭棹晚，傍池楊柳月朦朧。

讀書

杜門兀坐消閒怨，只對窗前半部詩。白髮漸侵愁客思，青燈嘗與古人期。簾垂雲駮霞迎戶，月上寒空魄射帷。自昔升沉多少意，不須惆悵歛雙眉。

又

盡日逍遙細讀詩，詩中又見別離辭。愁添遠客霜沾鬢，夢入淡閨月上枝。咏雪吟風堪釋恨，按篇覓句總忘疲。從來伶俐成蕭索，自笑心情老更癡。

彈琴

延和軒靜月生時，閒弄冰絃覺夜遲。客似松風迴細滴，

清同秋水咽寒吹。丹楓虛暗巫山夢，黃葉新添別鶴悲。漏盡誰家砧杵急，哀聲何意亂柔絲。

元宵何嫂招飲翫燈放花演家習女樂

朱門笑語一時喧，角勝爭奇萬蕊繁。架上葡萄如可摘，意中桃李不須言。鐘聲永夜含霜白，花氣浮烟襲月溫。共惜千金娛晷刻，流觴取次入朝暾。

又

梅粧隊隊鬪芳芬，仙樂兒家自不群。黛薄山眉輕似月，春生螺髻散如雲。翩躚舞袖龍蛇動，宛轉歌喉鶯燕分。解破春風多少恨，當筵腸斷石榴裙。

聞雁

客舍蕭條窗雨清
空階落木遠人情
玉關霜信秋江冷
孤榻寒聲曉夢驚
拜月調砧憐影度
迎風織字訝紋生
流光荏苒無窮恨
厭聽嘹嘹到五更

寄盛夫人

濃霜百歲冷春幃
嘗伴寒燈泣落暉
紅淚已辭機上錦
白頭尚着嫁時衣
烟籠竹葉涼生案
雨溼梨花靜掩扉
杯酒樓頭明月夜
迢迢夢遶楚天微

春日徐嫂邀遊黃栢山居

爲訪仙居趁曉來
烟霞暎逕萬紅堆
盈盈溪色虛舟泊
淡淡山光小閣開
花外疎鐘侵玉案
崑前飛瀑到歌臺
淹留不盡山深僻
反訝天台無路回

又

攀條踏磴貫重臺
画閣朝烟香縷迴
曲曲朱欄盤竹竇
灣灣綠水孕蓮胎
薄雲籠日春生艷
晚黛凝寒雨故催
美景片時難意盡
青天搔首自徘徊

又

澗戶嬉遊日午分
画船散處滿溪雲
林巒斂色鳩呼婦
溪流波鷗失群寂
寂梨花飄粉淚萋萋
芳艸染湘裙
山靈不肯留凡客
故遣東風送雨紛

暮春

結子天桃飛盡英
殘紅積砌自朝昏
柳陰籠月閒梁燕
松鬣穿雲淨石根
昨日窗前新火乞
今朝雨後細芽繁

梨花白晝明年共何事春光去住煩

寄徐嫂

新春花下足歡娛坐接芳枝粲蕊珠一別鄉園頻化蝶
三秋江岬悵提壺多情黃菊人同瘦回首青天興未孤
安得御風凌漢水相思直欲付微軀

放生

靈蠢豈須分異族哀鳴曷忍啗其肥霜鋒暫脫遊鱗遠
鼎鑊方離鼓鬣微頰尾可能乘浪去黃裳那望報環歸
從來肉食人堪鄙獨有樊姬願不違

嘲長醜婦

粉袖半肩欺翠竹烏雲一片逼青松塗描翠黛秋摧柳

蹙蹙金蓮陸盪舳玩月影驚天際鳥吟風聲送市邊鐘
蕭郎遙望巫山上壁立陽臺十二峰

觀燈

鮫珠初挂晚鐘鳴鐵鎖橫開火樹明陣陣綺羅春弄影
沉沉香月漏催聲梅花屏裡千門炷絲竹叢中百丈棚
金鳳步搖看倚翠韶華聊藉酒中傾

新秋

明月愁人梧葉垂平分四序倚欄悲池蓮香褪涼蟬泣
臺柳顏衰朝露萎雨細乍驚芳意冷雁飛偏怨漏聲遲
鬆鬢近入霜生鏡轉盼歡娛付水涯

春日何嫂招遊龍津山居

玉女相將飛瀑泉片時星聚聽啼鵲茅亭依島花侵徑
画航浮溪桮挂烟宛宛蝶飛柴柵外嘹嘹鶴唳稻田邊
香飄蘭芷薰人醉歸路夷猶月滿川

葡萄

引蔓堦除若翠幃連陰接屋日光浮紫瑩斜墜龍珠帳
淡粉新勻酥乳頭瓊液荔枝香比脆芬芳橘袖氣同幽
風颺五色絲爲帶好向粧樓舞莫愁

寄倪姑太夫人

追步花前款語時春風解恨少人知長懷上客連香艸
愁向孤燈細雨絲肝膽久要千里共音書徒覺寸心睽
襄江空有雙魚約一水茫茫未可期

寄何嫂

佳言長念習嬋娟別後相思逗楚天菊剝庭欄芳意少
霜搖江樹故情牽長空雁唳驚秋雨淡院烏啼散曉烟
愁黛燈前傳尺素隴頭梅信意中妍

襄江中秋雨中吾聖弟歸

烟雲千里冷冰輪秋色人間已半旬旅舍幾番添慘淡
嫦娥亦自減精神黃昏慣見芳枝溼白晝愁看金粟頻
咫尺歡樽憐異地江邊歸雁獨相親

襄陽署中寄孀妹

憶昔芝蘭吳楚分峴山遙望皖溪雲西樓夕炤孤鸞影
南陌秋風失雁群花月不憐香夢斷亭臺空繞葉痕紛

何時共煖清芬幄款語連牀曉日曛

重九登勅書樓

握手登樓一望鄉萬山疊翠楚雲長江浮雁影星初出
寒逼鴉翎月半光聲入絃歌寬旅緒香生羅綺急流觴
自憐人瘦花應笑瞥眼明年又異方

冬至赴襄府習儀

五漏衝寒散曉騎紫雲飄處引朝儀微風乍拂旌旗動
薄霧輕籠劔佩移曙色晴開千戶曉蘆灰氣應一陽期
王門不乏吹竽客授簡輸君作賦奇

仲冬襄陽聞外出巡

錦堂離瑟促朱絲銀燭繁華歛恨眉征旆已驚襄水合

行雲坐覺楚山移霜威迥動千秋色雨露新承萬戶滋
回首城邊餘落日茫茫江漢欲何之

美人春思

玉釵敲冷兩鴛鴦似醉厭厭困海棠夢裡白頭將化石
愁來青鬢易生霜笛中風細驚楊柳絃上雲低泣鳳凰
咫尺天涯虛錦字門前春起月華忙

野眺

水靜平明樹色黔松烟幾處起秋砧阮村峰暗輕帆影
投子山輝落日陰鸚鵡遙憐清石爛鳳凰堪憶碧雲淡
西風欲借吹愁去靜對流泉瀉素琴

詠諸姬

樓頭明月妬新粧箇箇宜男初綠裳芍藥屏間連翡翠
芙蓉枕畔並鴛鴦樽前客意人相視坐上嬌姿卿欲狂
次第衾裯星爛下不須春夢逐高唐

看荷花

灼灼芙蓉濺泚明繁星點綴晚虹橫微風不斷幽香散
薄霧長含秀色盈出水自能供眼醉弄珠偏欲鬪身輕
六朝艷質繁華在無數流連鴛鴦情

寄戴夫人因賜金剛經感懷

仙骨人間可易逢匆匆邂逅矯飛虹自慚毛羽羞凡質
漫擬雲霄變玉童瑤席談經人在望靈山負約願成空
遙知別後身無恙極目天南秋盡鴻

悼菊

憐香黃菊看婆娑晚節偏宜向薜蘿立影佳人芳意靜
攢眉高士野情多素依三徑霜爭艷淡向疎籬日共酡
一夜西風金落地秋光分得幾迴過

夜泊宜城遇雨

東風送客若爲情襄水盈盈隔漢城茅屋幾家烟霧隱
布帆一片柳條橫河邊野釣隨波咽岼上荒雞帶雨鳴
此夕寒燈獨是伴更憐碌碌逐浮名

梅裙

新景瀟湘何可言羅裁孔雀參差繁線添五色花多態
雪暗千山玉有痕步履風搖根欲動舞裳香裊蕊皆溫

終南隱居詩集卷九
春秋素節堅松栢歲歲憐君篋裡存

漢江舟中見梅

迎風蘭棹幽香合餘雪輕狂作絮飛隱士漢江潛舴艋
佳人洛浦點珠璣鳴鐘野寺催霞落帶雨春帆映日暉
秀色遙遙宛圖画烟波江上可忘歸

梅帳

閒卻銀鈎夜靜時清幽何事怨佳期神回蝶夢花成錦
身展鴛衾風動枝玉燭烟寒流瑞雪紗厨月暖弄鮮姿
博爐沉水雙霞起對結春雲五色奇

和外黃鶴樓作

晴川春樹鎖眉頭聞道遨遊黃鶴樓鸚鵡洲前分二水

漢陽城外泊孤舟萋萋草色春閨怨活活江聲夜客愁
捲幔躊躇看不見空憐新月曲如鈎

梅燈

錦棚珠蕊燦寒更結就瓊花敵月明画棟枯株閑紫燕
玉樓繁蒂纍朱櫻如遊瑤圃窺星燦似折南枝向日晴
風裊燭烟梅弄影佳人宛在玉山行

春日隨任建寧過東林寺

草堂今夕暫停車彷彿當年醉月華絕壁青山星斗落
環溪雪竇水雲賒荒村沽酒和松葉茅舍疎籬繞菜花
三十六峰連翠黛門前五柳是誰家

梅屏

日見扶筇渡小橋青峰幽意客同邀寒風陣陣枝難動
春水潏潏花不漂入座四時長帶笑傷人孤雪獨凝高
滿堂撲面那堪折異地無音也寂寥

山路雜興

活活泉聲到處疑衝人怪石恰相宜悠揚旌旆迷蝴蝶
宛轉沙溪靜鷺鷥世路花間驕白眼浮生鏡裡落紅脂
馳驅不附青雲客海濶天長那得知

又

劃然鸞鶴奏清笳篠簜穿林日欲斜春去柴門餘綠柳
香來籬箔入黃花珠簾噴雪垂千尺茅屋封雲隱數家
烟景參差迷客思殘碑古道帶流霞

分水驛

谷口春殘怨落紅津亭歷歷客途窮香車斜日山容淡
古木橫雲月影隴獨館臨巒蛙吹雨重巖繞澗鳥呼風
何須停策耽流水入目烟霞處處逢

富沙署中事事齋作

半生耽病負芳春默坐悠悠去跡陳拋着琴書閑自好
坐來風月淡相親香浮簾箔花疑語翠壓階除柳似顰
同作天涯名利客笑渠事事不如人

皆響亭

萬山春色拱亭前孤塔凌霄入眼先白鶴峰高紛吹葉
黃華山響急鳴泉乘風花底看蝴蝶細雨枝頭聽杜鵑

靜對韶光人欲醉諸峰並落一樽圓

咏美人蕉

檻外烟霞翠葉森參差遮影亦成林寧知石畔思君處
也解風前助妾吟滴露三更拋粉淚驚霜千片蕩愁心
疎簾願借青青色相伴梅華入雪淡

壽外

蒲觴恰盡攝提祥苗裔流芬爛畫堂海上烟浮叢桂藹
筵前春泛荔枝香榴英射錦驕絃管艾葉裁文鬪鳳凰
稚子擎杯從揖讓可能世接大夫芳

對橘懷親

參差黃綠傍朱扉返炤鏤金艷色肥彩袖空憐天末影


淡烟偏鬪望中輝林深風細鳥聲緩日出霜微龍腦馡
遊子幾番愁緒積幽香來去襲人衣

七月十六夜病中有感

去年此日到襄陽初度清秋仍異方今夜一輪倚客久
來朝三祝爲人忙桂枝嬰拂子將艷蘭徑幽芬君自香
勿種桺條依閣下摧霜飛絮引風狂

冬日復得同心荔枝杯感賦

乍失桃杯愁緒淡俄欣百日獲奇琛曛風再煖鴛鴦夢
集雪長溫薜荔陰碩果雙垂連理意瓊枝同結合歡心
從今官閣添清韻何異焦桐調舊音



絲
蘭
關
誌
集
卷
九

理學